

Тосхлтин бригадс бүрдэгдв

Тосхлтин көдлмш шинэс бүрдэгдджэх мана Хальмг автономн таньгъчд—эркн ах төр. Төрскн газр-уснурн ирджэх хальмгудт баях гермүд шулугъар тосххмн.

Целинн района „Прудовой“ гидг совхозд тосхлтин кергяр зургъан бригад бүрдэд, саман кеджәнә. Хойрдгч фермд 8 күүнәс—хойр бригад, негдгч фермд 14 күүнәс—хойр бригад болн централын усадьб деер 12 күүнәс—хойр бригад көдлджәнә. Эн бригадмуд 20 минъгън саман кегъад белдчкв.

Централын усадьб деер хойр патьртә гурви герин, нег патьртә 3 герин банин болн улан шугъун герин улмуд

белдчкв. Хойрдгч ферм деер хойр патьртә 1 гер кегдджәнә.

Совхозин автомашид хулсар кесн плиткс болн гермүд кех модд зөөджәнә. 15 кубометр мод зөөгъад овалчкидж.

Совхозмудар болн колхозмудар ирдж баярлджэх мана хальмгуд цаг онъгрүллго шамдад, цугъар чидлән негдүләд, бригадмуд бүрдэдж гермүд бярдж авцхахмн. Хальмгудт ссудар өгчэх донъгиг күүцсднь олзлхмн. Олн гермүд бярдж, нань чигн олна тосхлт кедж, таньгъчан батлхмн, эврә эдл-ахугъан элвджүлхмн, эрдм-сургъулән өөдлүлхмн.

АВЛАН БАСНЪ